



SPRITZER + FUHRMANN



Diario pa



Aruba

KING SIZE COCA-COLA



Crisis mundial serio pa motibu di Cuba ta den su rigor

Estados Unidos ta bloqueá transportenan di vapor

WASHINGTON, 24 oct. — Despues di e anuncio di bloquea di Cuba cu presidente Kennedy a haci dialuna, mundu tin 24 ora pa hala rosea tranquil, prome cu asuntunan bira gravemente serio den awan rond di Cuba. Den e tempu ey Merca kier trata pa haya opinion publica di mundu su tras. Segun fuentenan bon na altura

Castro ta mobilisa Cuba

Te diezdos ora despues di esey e prome bapor di e bloque comunista lo yega den cercania di Cuba. E ora ey marina mericano lo duna orden pa obliga e bapor aqui, mescos cu tur otro bapor cu ta na caminda pa Cuba, pa para. Lo subi e bapor, listré y si e bapor no sigui e orden ey nan lo zink e.

Prome cu e accion ey cuminsa e diplomacion mericano lo busca yudanza na dos lugar importante, esta e comision di estadonan mericano y congreso di seguridad. Pero decisivo ta keda naturalmente e reaccion di Moscu.

Di e contesta di Chroesjef, na kende Kennedy prome cu el a pronuncia su discurso a manda un duplicado di e discurso y un carta personal, ta depende si Moscu lo laga e asunto bira accionnan militar den awan rond di Cuba, y cu esey crea e crisis militar mas grandi despues di guerra, of cu e a hala atras, manera Kennedy a bisa den su discurso, y ta hala mundu back for di rand di e precipicio di destruccion.

Den circulacion gubernamental nan no kier a pronostica nada tocante e reaccion ruso.

Gobierno di Kennedy ta prepara riba tur posible consecucionnan cu e decision por trece.

Rakelnan comunista

E construccion serio, libe y extraordinario di rakelnan comunista ta un cambio intencionalmente provocativo y injusto den e status quo, cu e pais aki no por acepta, door di na obligacionnan. E president a anuncia siman pasa e prome datonan exacto tocante destruccion di basenan di raket y entrega

di avion jet di bombardeo. El a duna orden pa fortifica e estado di alerta di Merca y actualmente nan a termina investigacion dje datonan cu nan a ricibi.

President Kennedy a declara, cu e gobierno ta sinti su mes obliga pa pone e pais te den detalle na altura dje crisis nobo aki.

Despues di discurso di Kennedy

Nan a trece un unidad di rakelnan anti-aerea dje tipo "Hawk", na fortaleza Bliss, no mucho leuw di El Paso den estado di alarma. E comandante dje base no kier a duna mas informacion dje medidanan cu nan lo toma.

Un vocero dje ministerio mericano di defensa a declara, cu Merca lo laga sink bapornan ruso, esta si ta necesario, pa evita nan pa alcanza Cuba cu armanan di atake.

Medidanan despues di discurso di Kennedy

E flota mericano di oceano Pacifico a aumenta su estado di prontitud en bista di e discurso di Kennedy tocante Cuba, asina un portavoz di marina mericano na Pearl Harbour a participa. E senador republicano Hiram Fong

na Washington un di e competencianan mas fuerte den e guerra friu ta proximo. Te ora cu presidente Kennedy — manera cos ta mustra esey lo ta awe nochí — firma un proclamacion tocante e bloquea militar di Cuba, e bapornan mericano, cu ya a forma un cordon di proteccion rond Cuba, lo cuminsa actua activo.



PRESIDENT JOHN F. KENNEDY

na Hawaii a bisa: "Algun di nos aliadonan di NAVO, especialmente Inglaterra, lo protesta fuertemente. Nan por bien laga nan interesnan riba terminonan largu pa interesnan riba terminos corticu.

Un portavoz di e forsanan militar mericano na Korea a bisa, cu tur forsanan mericano den e pais ey ta den estado di alarma. Pero nan no a hala ningun verlof aden ni nan no a duna orden pa keda den guarnicionnan.

Reaccionnan ingles riba discurso di Kennedy

Un portavoz di e ministerio ingles di exterior a bisa en relacion cu e discurso di president Kennedy, cu e hechonan releva den e discurso tocante reforsanan militar di Rusia lo worde

DOS A SLAAG PA LANDMACHINIST

ORANJESTAD, 24 oct. — Pa e examen di dia 15 te dia 18 di october pa landmachinist Verklaring A Stoombedrijf a slaag dos candidato di Aruba, esta srs. Arthur Edward Bowers y Wilhelmus Cornelis van Loon. Un tercer candidato mester hasi un hercxamen. E curso a tuma luga na A.T.S.

PELICULA PA MUCHA

ORANJESTAD, 24 oct. — Na Oranjestad lo tin riba dia 25 i 26 di luna aki un programa di peliculanan pa mucha den aire liber. Lo tin 8 pelicula entre cual "Below Zero" di Stan Laurel y Oliver Hardy. Mas lo tin tres pelicula pinta, un pelicula cu "Chimp" manera piloto y un comparacion entre treinnan di modelo y treinnan di berdad.

sinti como un shock den henter mundu civilisa.

Segun e portavoz gobierno ingles tabata na altura di antemano di e medidanan mericano.

Paris a ricibi e noticia den un silencio oficial. Segun e ministerio di informacion nan no a pose gobierno frances adelanta na altura di e medidanan mericano.

Reaccion hulandes

E prome reaccion di un portavoz di e ministerio hulandes di exterior tabata, cu di banda di Hulanda nan ta reconoce completamente, cu Merca ta den situacion den cual nan mester actua. Naturalmente e discurso di Kennedy tin diferente aspecto, cu mester studia despues. En todo caso ta satisfactorio, cu Merca a duna un imagen asina cla, cu tur partido sa awor con leu nan ta para, asina e portavoz a bisa.

Kennedy ta keda Washington

President a dicidi, cu bista di e situacion na Cuba, pa suspende tur su discursonan di eleccion, asina Casa Blanca a anuncia. E lo no bandona Washington ainda. Ni tampoco vict president Lyndon Johnson lo participa por lo pronto na e campanja di eleccion.



Esaki ta un portret di un conferencia cu President Kennedy tabatin siman pasa cu ministro ruso di asuntunan exterior Andrei Kromyko y inasera nos por a mira for di desenvolvimiento di mas ultimo, a ser proba cu kizas e tabata di nificacion historico. Den su discurso cu el a tene dialuna president Kennedy a califica algun expresionnan cu relacion di Cuba como un "mentira". Riba e foto aki nos ta mira di r.p.d.r. Kennedy, president di Estados Unidos, Dean Rusk, ministro di asuntunan exterior di Merca, Thompson y Gromyko.

SALUDONAN ARUBANO FOR DI HULANDA

ORANJESTAD, 24 oct. — Awe nochí pa un cuartu pa siete lo worde transmiti atrobe e programa di saludos for di Hulanda via Radio Kelkboom. E saludonan e biaha aki ta bini for di e R. K. Kweekschool na Venlo na unda a sali dilanti e microfon e damasnan Alfrida Brown, Lucrecia Faarup, Georgina Richardson, Marcia Benschop y Myrna van Hellen. E programa lo worde retransmiti atrobe riba dia sabra anochi, pa seis or i mei.

la sin consulta un di e chofernan?" Esaki a worde hasi completamente sin nos.

Nos a dirigi nos mes cu e observacionnan aki di sr. Luydens cerca specialistanan cu por mira e materia aki di un punto imparcial. E exigencia cu mester tin un extra prijs pa e maletanan nan ta hanja razonabel, tambe nan no ta ningu cu mientras e prijs di gasolina a worde aumenta e tarifa nobo a reebaha e ganashi, aunque por worde discuti riba e percentage.

Tambe ta berdad cu e chofernan di taxi no a worde consulta ora di traha e tarifa nobo. Si no ta berdad cu ta prohibi pa acepta tip. Ta prohibi pa tuma propina door di bisa e tarifa nan mes i tambe ta prohibi pa pigi tip. Pero si un pasahero duna un tip sin worde pigi anto nan por acepta esaki libramente.

FATUM — Tel.: 1845
pa fur bo aseguronan

Necesidad di Union Fuerte

Esun cu tende tur e kehonan aki i seucha tur e partidanan diferente ta bin na e conclusion atrobe cu e chofernan di taxi lo tin hopi mas miho chens si nan tabata reuni den un Union fuerte i actua como un solo organisacion. Nos a worde informa cu na e discusionnan tocante e tarifa nobo e chofernan no a worde invita pasobra nan no tabatin un cuerpo cu ta representa nan. Pa motibo di nan mal organisacion ta dificil pa cuminsa algun constructivo. En relacion cu esaki nos a worde muestra cu e chofernan di taxi gewoon si ta organisa den un Union esta e Aruba Autobus Unie. Pa motibo cu e grupo aki ta reuni den un solo cuerpo en ta actua pa tur.

Gracias na e intermediacion di e comision di trafico publico por a worde logra cu e chofernan di autobusb lo tin un reduccion den prijs di gasolin pronto, i lo ta igual pa e prijsnan di tire i bateria. Segun e declaracion di nos boser e mesun cos por worde logra pa e chofernan di taxi tan pronto cu tin union i cooperacion den e grupo aki.

Sr. Luydens a hasi e observacion interesante cu ja nan tabata traha duro pa reuni tur e 31 chofernan di Aruba den un solo union. I cu tambe tin discusionnan pa tur bai corre cu e mesun tipo di auto. Nos ta pensa mes pa sali for di gasolin caro. Mas sr. Luydens no kier a bisa pero di otro fuente nos a tende cu e alternativo ta gasoil of propaangas. Na Amsterdam ja tin hopi taxi cu ta corre riba propaangas cu ta hopi mas barata cu gasolin. Na Aruba for di basta tempu eba nan ta studia e posibilidadnan di propaangas pa taxi.

CHOERNAN DI TAXI: NOS NO POR CUBRI NOS GASTO MAS

Taxinan cu gas na Aruba den futuro?

ORANJESTAD — „Cu loke bo a scribi den Arubaanse Courant di dia 27 di september hopi chofernan di taxi no ta di acuerdo cune. Con cu bo birele, bo no por ningu cu semper e chofernan di taxi ta bira victima, y cu ta parce cu e turismo na Aruba mester worde favorece riba nos lomba, y a costo di e pan di nos jiuonan." Esaki segun sr. Jose Luydens, un di e chofernan di taxi, cu poco tempu pasa a camna drenta nos oficina den compania di mr. P. V. Sjiem Fat e advisor juridico.

A bira un conversacion basta largu cu sr. Luydens y Sjiem Fat. Un conversacion den cual algun di nos pretencionnan den e edicion di dia 27 di september a worde ninga y otronan no. Sr. Luydens cu mucho gusto a duna un explicacion tocante algun die problemanan cu nos a trata.

Sr. Luydens cu a bisa di actua como representante di Arubaanse Chauffeurs Unie a nota cu nos articulo di dia 27 ta duna e impresion manera tur chofernan di taxi ta ladron. E keha cu nos a scribi riba dje tocante e turista cu mester a paga \$ 15,00 pa un biaha di Basi Ruti pa aeropuerto ta bicu i a worde trata masha dia door di B.C. i huez, segun Sr. Luydens cu un biaha mas a declara cu nos articulo ta duna un impresion falsu, como for di e caso di e \$ 15,— e no a hanja ningun otro keho serio. Ela sigura nos mes, cu e chofernan mes lo tuma medida contra colleganan di cual kehonan ta drenta.

RON BOCOY Exquisito - Pruebalo hoy.

Ora cu poco ratu despues di e entrevista di nos dos bishitantenan a bai informa cerca e Comision di Trafico Publico nos a worde informa ayanan cu te ainda hopi keho ta drenta cerca e comision. Den e ultimo dies dianan

nan a ricibi das keho. En berdad e kehonan no ta worde participa na e unionnan di chofer. E motibo ta cu e chofernan mas trabahoso ta reuni den e union mas chikito i cu tambe a worde muestra cu e unionnan tin poco of ningun autoridad pa tuma medidanan contra di chofernan cu ta comete irregularidadnan.

E tarifa no ta bon

Sr. Luydens tambe a conta nos cu e comparacion nan cu nos a hasi biaha pasa entre e tarifa nobo i e tarifa bieuw no tabata bon. Tocante e tarifa nobo nos solucion tabata poco haltu. Si ta berdad cu e arreglo nobo ta duna un diferencia favorable den prijs en caso di biahnan di ida y vuelta riba distancianan largu. Pero ta net e biahnan aki segun sr. Luydens ta tuma luga masha poco. Tambe ta strango cu ora e tarifa bieuw worde compara cu e nobonan cu ta worde calcula segun meternan di taxi hopi chofernan tin diferente resultado.

E victima . . .

Nos a bisa den nos edicion di dia 27 di september cu e chofernan di taxi ta keha tocante e poco ganashi i e gastonan haltu, pero cu nan mes tin hopi falta pasobra nan tur ta corre autonan hopi grandi cu ta mucho cari pa mantene. E pretencion aki no a worde ninga pa sr. Luydens. Esaki por ta berdad, segun e chofer aki poco bieuw caba, pero e no ta razonabel cu mientras na 1960 e prijs di gasoline a subi cu 33% (i ken ta mas victima di esaki cu nos chofer di profesion) pa motibo di e uso di meternan di taxi nos ganashi a baha cu 20%. Ni pa transportacion di e uatlanan nos ta hanja algu, un cos cu na tur caminda di mundo ta worde usa en general. Si e taximeter tin un tarifa especial pa esaki pero e no ta worde usa. Tampoco nos tin mag di acepta propina, tambe ta un cos cu tin tur caminda den e stranheria. „I tur esei cu no solamente nos ta hiba e stranheronan di un luga pa otro pero cu tambe na caminda nos mester duna explicacion di tur luga cu nos pasa. „Ki chofer den e stranheria ta hasi algu por estilo."

Pero no obstante tur esei e tarifa nan pa chofernan di taxi gewoon a worde aumenta cu 20%, pero esunnan di nos pa motibo di e mehoracion di e turismo a worde baha. „Bo sa cu e meternan nobo pa auto di huur a worde instala-




E estrella cinematografica spanjo „E Shirley Temple Spanjo", a bai haci ultimamente un corto bishita na Hulanda. Marisol, kende tin 13 anja y cu ta un estrella célebre di pelicula, ta presenta dilanti radio y television.

12 signos tallados como diamantes...



SERVICIO MUNDIAL EN 65 PAISES





E eventual medidanan Mericano den caso di urgencia

WASHINGTON, 24 oct. — Un portavoz mericano a bisa, cu Merca tin intencion di para tur bapornan cu destino Cuba y listra nan, y si ta necesaria usa violencia contra nan. Segun portavoz, Merca a pone su farsanan militar, incluso esnan na Berlin, den estado di alerta. Funcionarios di departamento di exterior ta di opinion cu no ta imposible cu lo resulta dentro di 24 ora con Union Sovietica lo reacciona riba e medidanan mericano.

"E portavoz di defensa, un funcionario alto, a bisa cu algun bapor comunista ta riba oceano Atlantico na caminda pa Cuba. Pero no ta conoci, si e bapornan ey tin armanan di ataque a bordo. Merca kier preveni tambe, cu nan por transporta armanan di ataque di otro moda cu bapor, por ehemplo door di aire.

Por di fotonan, cu nan a tuma ultimo siman riba Cuba, asina e portavoz ta bisa, a resulta nan ta construyendo instalacionnan pa lansa raketnan di distancia medio rapidamente.

President Kennedy a mira e prome fotonan dia 16 di e luna aki. E ora ey Kennedy a ordena un reconocimiento aerea mas intensivo.

Den circulo gubernamental nan ta entendi, cu ayera nochi president Kennedy lo a firma e proclamacion, cu lo haci e bloqueada contra Cuba drenta na vigor.

Segun departamento di estado Merca ta prepara riba e resultado, cu e medidanan mericano por tin, tambe na Berlin.

Algun ora prome cu e president a te-

ne su discurso, e gobiernonan alla a wordo pone na altura di e contenido. Kennedy a manda premier Chrostief li Union Sovietica un carta y un duplicado di su discurso. Un persona di e departamento di defensa a bisa, cu Merca no ta no e medidanan pa intercepta raketnan balistico cu nan lo dirigi riba blasonan na Merca.

Merca ta pidi sesion urgente di Consejo di Seguridad

Merca a pidi pa un sesion urgente di e Consejo di Seguridad di Nacionnan Uni tocante Cuba. Nan ta calcula cu asy lo a wordo tene ayera merdia.

Den un proyecto di resolusion Merca a exigi pa kibra y elimina tur raket y otro armanan ofensivo na Cuba.

Den e resolusion mericano nan ta pidi e secretario general di Nacionnan Uni, Oe Thant, na manda observadornan Cuba pa vigila si e pais ta cumpli cu e exigencianan di e resolusion. E ruso

Zain ta president di e consejo di seguridad e luna aki.

Den e proyecto di resolusion ta propone ademas un deliberacion ruso-mericano tocante eliminacion di e peligro pa hemisferio occidental y paz mundial.

Tension na Washington

Segun circulonan di aviacion, avionnan civil a baya orden pa keda for di e territorio di Cuba. Nan no a duna un confirmacion oficial di e noticia aki.

E embahador ruso na Washington a baya di e minister mericano di exterior un nota. E embahador a ricibi e nota aki djies prome cu Kennedy a tene su discurso.

Canada y e medidanan Mericano

Premier John Diefenbaker di Canada a bisa den Camara Comun di su pais, cu lo mester pone ocho pais neutral pa tira bista riba Cuba, despues di cual nan por pone mundu na altura di e desarollonan den e pais ey.

Den circulonan gubernamental na Ottawa nan no ta considera imposibel cu Canada lo cambia su actitud pa cu Cuba como consecuencia di e relevacion di president Kennedy cu nan ta convirtiendo e pais den un base atomico.

Den circulonan di prensa nan ta considera improbable, cu Canada lo kibra su relacionnan comercial cu Cuba, como cu en principio e pais ta negocia cu tur

Na Berlin nan a haci den e dianan aqui un demonstracion di un Polyester-sportwagen-carosserie, cuai sin mucho molestia por ser monta riba un pieza di VW. Pa via cu e peso total dje caro ta 300 kilo menos e top a subi cu 25 km/h. Largura dje auto ta 4.1 m., su hanchura ta 1.57 m. Dilanti den baul e wielnan di reserve tin un tanki di combustible special construi cu un contenido di 43 liter. E prijs na Alemania ta mas o menos 2000 DM, cu e sientu y tanki di combustible conta aden.

pais, di qui sistema politico cu e ta.

E minister di exterior di Canada, Howard Green, a participa prensa cu gobiernu canades a prohibi avionnan ruso poco dia pasa, pa haci uso di basenan aerea di Canada riba nan ruta pa territorio di Caribe.

Bo dia lo cuminsa feliz si bo desayuno tin kaffie MOKA y sucu CISNE.

Tres pais ta protesta

E agencia ruso di noticia "Tass" ta anuncia, cu Union Sovietica a pidi un reunion inmediato di e consejo di seguridad di Nacionnan Uni, na cual nan lo mester atende e violacion mericano di doctrina di Nacionnan Uni y e amenaza di paz cu Merca a haci. Manera ta conoci Cuba a entrega un queho serca e consejo di seguridad. Cuba ta bisa cu e decision di Merca ta un hecho unilateral di guerra.

E hecho aqui comete door di Merca, ta wordo pone riba schouder di Nacionnan Uni, negando completamente e consejo di seguridad y ta forma un amenaza directo di guerra, asina e carta ta bisa.

Como di tres pais Merca a pidi pa un reunion di e consejo di seguridad. Por-

YABI pa bo exito!

Avisa den ARUBAANSE COURANT y compara e resultado!

THE SMALLEST "BIG CAR" IN THE WORLD
MORRIS — 1100 — M.G.
KUSTERS TRADING CO.

AWE NOCHI
den
SOCIEDAD BOLIVARIANA
Exposicion di Boeki
y Juguetes
presenta pa

DE WIT - Aruba
Abri for di 8 - 10.30
Koffie lo wordo sirbi na number di VERKADE - LIBBY y NESTLE. Ta merece la pena pa bo tambe ta presente. E ambiente lo ta masha agradable!
Tambe lo tin exposicion di cuadro.
Tur hende ta bon bini!!

MARCIAL G. TROMP
● MOSAICO den tur disenjo, di alta calidad y Servicio rapido!
● BLOKKI DI CEMENT den tur tamajo
PA BO PEDIDONAN TEL. 1341.

'Dancette'
creacion pa luna di october.
Bo tambe por hanja e peinado aki na
MAGGY'S BEAUTY & COSMETIC SHOP
Tel. 2113 - Nassaustraat

OFICINA MARITIMA DE ARUBA
Tel.: 2664 - 1622
Pa transportacion di mercancia y mudanza

FLOOR TILES
Pa un cas masha decorativo
No tin lugar cu por boti
Prijs - Servicio y Calidad di ARUBA TRADING CO.

COUPON DAYS
"CASA HAIME" (Gottfried)
VENTA ESPECIAL, pa cada 2 dia diferente articulo!
diahuebs 25 y diaabierne 26 di okt. 1962
20% DI REBAHA ARIBA
Fluz, camisa, curson, panja di abau, pa homber y mucha!
Corta e coupon aki y presente na "CASA HAIME" pa bo 20% di rebaha.

tavoznan ta duda cu e consejo tahata capaz pa reuni ajera.

Nan a pensa cu e reunion lo wordo suspende te awe mainta, aunque cu tantu Merca como Cuba a pidi pa atende nan keho inmediatamente.

Declaracion di Rusia

E agencia ruso di prensa "Tass" a publica e siguiente declaracion di gobiernu ruso:

"President Kennedy di Merca a anuncia ayera nochi cu el a duna marina di Merca orden pa para tur bapor cu ta na caminda pa Cuba, listranan y detene esnan cu ta transporta armanan cu e autoridadnan mericano ta considera armanan di ataque.

Un otro orden a wordo duna pa tene un bista continuo y minuicioso riba Cuba.

Gobierno di Merca di e manera aki

por hecho a forma un bloqueada maritimo di Cuba.

Na mes momento desembarque di trupanan mericano na e base Guantanamo cu ta situa riba territorio mericano a cuminsa, y e farsanan militar di Merca ta den estado di alarma.

DIA DI NACIONAN UNI NA NIEUW GUINEA

HOLLANDIA, 23 oct. — Diarazon p.v. nan lo celebra tur caminda na mundu, dia di nacionnan uni, y naturalmente tambe nan lo celebra e dia aki den e unico pais, cu ta wordo goberna pa Nacionnan Uni. E dia aki lo ta un sorto di fiesta nacional. Den tur schoolnan e jufrouw y meneernan di school lo splica kiko ta Nacionnan Uni y na hopi caminda nan lo organisa fiestan.

Wimco
tin e surtido mas grandi di licores.
Bo a purba dos HARVEYS Manzanillas - Sherry cuba??

NA UNDA TUR HENDE A BAI!
Nan a bai na unda nan ta banja e surtido mas grandi y mas completo di tur articulo pa damas, cabairos y muchu.
NAN A BAI NA

La Linda
SALUDO NA UN GRAN CIGARIA
MAPLETON
Filter Tip y Regular
cu su aroma especial

AGENTE:
SHANGHAI STORE
SAN NICOLAS

FRESH UP with 7up
awor embotella na
VICTORIA BOTTLING CO.

Saludando al distinguido publico de Aruba MADAME CRISTINA HOTEL CASANOVA
Clarividente advinadora procedente de la India por la bola de cristal, cartas y mano le cuenta su pasado, su presente, asunto de familia, casamientos, negocios, viajes, amores y trabajo. Si tienes algo en tu vida que te preocupa, yo te lo resuelvo. Hora de consulta: 8.00 a.m. hasta 10.00 p.m. Telef. No. 1440.

Riba e portret aki nos ta mira demonstranten di Vlamingen y Waals desbringamentu cu otro pa motibu di un "Marcha pa Brussel" cu tabata organiza pa muvecion di Vlamingen.



CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e productonan mas gusta y mas pidi. **NESBITTS** e refresco sin igual.

1. "E desconocido tahata masha cansa y el a dormi!" 2. "Inimig! Ora cu e tin su cabez hinka den e conrante y e no sabi mas cu mi ta bibu!" 3. "Bon nochi mi amigonan!" 4. "Un rato despues..." 5. "Nan ta na sonjo e dos babonan ey!"


PEPITA pa cortesia di: **Antillian Hardware Co**
Bo mehor adres pa HERMENT, Y TUR MATERIAL DI CONSTRUCCION!

1. "Mi ta trata di papia cu bo Lorenzo." 2. "Inimig! Ora cu e tin su cabez hinka den e conrante y e no sabi mas cu mi ta bibu!" 3. "Bon nochi mi amigonan!" 4. "Un rato despues..." 5. "Nan ta na sonjo e dos babonan ey!"

Zodiac

the name for automatic watches

An Official Watch of Swiss Federal Railways



agent
in Aruba



KAN n.v.

FOR SALE

3 PREMISES

located in

NASSAUSTRAT, ORANJESTAD

Suitable for shops or offices

For information: Tel. 1558

CINCO Y SEIS

Resultado di e caredanan di dia 21 di october di 1962.

CABAINAN GANADOR

Promer careda: Vivac (54 kilo) di preparador M. Ziadie cu jinetes L. R. Guanchez. Distancia 1700 metro. Tempo 109 sec.

Di dos careda: Neto (51 kilo) di preparador J. E. Vidal cu jinetes Carlos Perez. Distancia 1700 metro. Tempo 105 2/5 sec.

Di tres careda: Ici Paris (51 kilo) componente di llave 9, di preparador M. Ziadie cu jinetes Carlos Perez. Distancia 1600 metro. Tempo 99 1/5 sec.

Di cuater careda: Avizor (49 kilo) di preparador L. Gallegos cu jinetes J. A. Guzman. Distancia 1700 metro. Tempo 105 3/5 sec.

Di cinco careda: El Exilado (48 kilo) di preparador C. Muñoz C. cu jinetes T. Tosta. Distancia 1800 metro. Tempo 113 sec.

Ultimo careda: Bull (51 kilo) di preparador V. Clyne cu jinetes Carlos Perez. Distancia 1300 metro. Tempo 78 2/5 sec.

Ora cu mayoria di e favoritonan a responde debidamente e resultado no por a bira otro cos sino un "mercado libre" irohe. Carlos Perez tabata e homber del dia cu tres triunfo den 5 y 6 y cada victoria cu un ehemplar di diferente preparador. Millard Ziadie a logra dos victoria den 5 y 6. Ziadie ta na cabez di e estadistica di preparador cu basta beniaha riba A. Jacial cu ta di dos. Nos ta kere ta difcil pa Jacial por alcanza e Jamaicaano mas.

Den e jinetenan Moreira ta sigi na cabez cu hopi mas careda gana cu su competidor J. E. Cruz y campeon di temporada cu a caba. Den e ganadornan tin dos promer favorito di caiedra, dos segundo favorito y dos cuater favorito.

A resulta 197 formulario cu 6 cabai ganador y 3376 formulario cu 5 cabai. E cuadronan cu seis cabai ta gana cada uno Bs. 4154.30. Y e cuadronan di cinco cabai ta haya cada uno Bs. 172.50. Tabatin sella 299.606 formulario pa un valor di Bs. 2.902.596.

Con e eabainan a corre?

PROMER CAREDA: Vivac e promer favorito di Arubaanse courant a sali victorioso den e promer careda di e competencia. A dura hasta tempu promer cu Comisariato a duna e decision aki despues cu Atilio Braheo e jinetes di Macuto a reclama contra di Vivac bisando cu esaki a corta su camina y strob de gana. Na segundo lugar a keda Macuto. Di tres a yega Santander sigi pa Grecian Boy y Nagui a completa e marcador.

DI DOS CAREDA: Neto e ehemplar cu nos a indica como un competidor peligroso a resulta ganador den e segundo careda yegando un pescuezo dilanti di e gran favorito Primordial. Talvez e peso di 58 kilo cu Primordial a hiba a influencia e resultado di e

careda. Neto a logra e victoria na fin di e careda ora ya ningun hende por a kere cu Primordial por a perde.

Den e careda aki a keda retira Bromo, Beau Parleur y Poseido.

DI TRES CAREDA: E dosnan cu nos a menciona e gran rivalnan den e careda tur dos a fracasa. Orador a yega di ocho y Mayorengo apenas por a bin como di cinco arriba e marcador.

Pero e companjero di llave di Mayorengo a defende e llave di tal moda cu el a keda ganador. Carlos Perez a laga Malbajar tuma e delantera pa avanza despues na altura di 800 metro ora e tabata corre den di tres lugar.

Cu gran facilidad Ici Paris a pasa na cabez y mantene su posicion ta na fin soportando e atake di Glaciari cu exito y cruza e meta cu 3/4 cuerpo dilanti di Glaciari. Nepote a ocupa di tres puesto sigi pa Malbajar. Mayorengo manera nos a bisa a completa e marcador.

DI CUATER CAREDA: Avizor cu nos a menciona como un di e enemigonan peligroso pa Churumbel a logra sali ganador den e careda cu no menos cu 11 cuerpo dilanti di Moncey.

Na altura di mas o menos 700 metro Churumbel sigi pa Moncey tabata na cabez di e peloton. Ta aki J. A. Guzman a resolve di pasa pa despues na altura di 300 metro asegura e victoria ora el a seca asina tantu beniaha cu ya no tabatin peligro di perde. Moncey a ocupa di dos lugar sigi pa Surcouf y Carlino. Churumbel discretamente a cerra e marcador.

DI CINCO CAREDA: Despues di cuater careda den La Rinconada El Exilado a logra su promer victoria. E Chileno a demostra den e careda aki gran superioridad riba e otro competidornan logrando un triunfo cu 5 cuerpo dilanti di Le Pavois. Den e careda aki no tabatin competencia di ningun otro pasobra Cardington cu a yega di tres a keda 13 cuerpo tras di e ganador y Miquelon cu a cerra e marcador a keda 15 cuerpo tras di e ganador. Den e careda aki tabata retira Socio, Ali Baba II y Hawk cu tabata nos fija di siman.

ULTIMO CAREDA: Cu Bull Carlos Perez a completa tres victoria den e caredanan di 5 y 6. Otro victoria terminante y convincente ta e victoria di Bull cu a cruza e meta cu 6 1/4 cuerpo dilanti di Farandulera. Ningun momento e triunfo tabata na peligro y e ehemplar a demostra calidad superior na e otro competidornan. Farandulera a ocupa e segundo lugar na ultimo ora lagando Estambul den di tres. Tualbina a yega di cuater sigi pa Baladi. Asina e interesante caredanan di Diamingo a caba cu dos interesante victoria di El Exilado y Bull.

AVISA DEN
ARUBAANSE COURANT

Cumpleanjos

Hoy cumple anjos y nos complacemos en felicitar en el mejor de sus dias, el Lic. Don Ramon Garcia de Paredes, Consul General de Panama en Aruba, funcionario de larga carrera condecorado por mas de 10 paises en donde ha sido acreditado como Consul General, Consejero de Embajada o Encargo de Negocios a.i., siendo las mas valiosas de estas condecoraciones la Cruz del Santo Sepulcro y la Cruz de la Republica del Ecuador. Por el hecho de estar en la ciudad de Nueva York desde el 15 de Agosto, su esposa, Doña Blanca de Garcia de Paredes, el Sr. Garcia de Paredes se abstuvo de celebrar su fecha natal en la sede del Consulado a su cargo como en otras ocasiones.

Awe ta celebra su prome aniversario e hobecita Marlene Judith Donati. Felicitacion ta bini di su mama Leonita, di su tata Federico Donati, di su ruman Franklin y Vilma Donati, di su madrina Rosalinda Dijkhoff y di su padrino Victor Helder y di su amiguan Lelia Farro, Wina Tromp, Maritza Giel, Jolanda Anjie, Susia, Selia y di Jeanine Danjes y di Maria, Erica, Sita Breie.



Aqui riba Jossy Brokke (r.) y Milo Muryale cu actualmente a bai Las Vegas, ta aya pa alegria e convencion di A.S.T.A. pa jama atencion especialmente riba Aruba. Na Aruba Jossy y Milo ta presenta bao number di "Los Caciques"

AGENDA

Imprimi na N.V. Drukkerij „De Stead“
Theaterstraat 11, - Willemstad
Edicion sueltu oblenible na 20 cent na:
Mariska, Oranjestad - y Cabana Shop
Union Store, San Nicolas - Boekhandel

Edite pa:
N.V. ARUBAANSE DRUKKERIJ EN
UITGEVERIJ EN PUBLICITEITS M.I.
Nassaustraat 65 - Oranjestad, Aruba N.A.

ARUBAANSE COURANT

diariamente cu excepcion di
diadomingo.

Suscripcion / 3.25 pags adalante
Edicion sueltu 20 ct.

Telefon 3116 Redaccion y suscripcion
1116 Directiva y anuncio
Directeur-hoofredacteur: D. Wolf

CINE

Diamars 23 di october 1962
DE VEEB: 8.30 or „Football world championship 1962“
RIALTO: 8.00 or „Bala perdida“ A.L.
Diazon 24 di october 1962
DE VEEB: 8.30 or „Football world championship 1962“ A.L.
RIALTO: 8.00 or „Bala perdida“ A.L.
PRINCIPAL: 8.00 or „Macumba love“ 18 I.
AURORA: 8.00 or „King of the whip“ 1.
SAVANETA: 8.00 or „Can-Can“ 18 I.

PROGRAMA FILMTRUCK

Awe noche filmtruck di e Institucion pa Combati Maluso di Alcohol ta na:
JAMAYOTA

WIT-GELE KRUIS

Oranjestad: Zr. Ewald.
San Nicolas: Zr. Perpetua
Santa Cruz: Zr. Ludovic
Hospital San Pedro di Verona tel. 2200

PARTERA

Zr. Th. E. Gibbs, J.G. Emanstraat 71
Oranjestad, tel. 1335.

BOTICANAN DI WADA

Oranjestad: BOTICA OUBER tel. 1780
San Nicolas: BOTICA SAN LUCAS tel. 5110

RADIO KELKBOOM

Diazon 24 di october 1962

8.00 Opening
8.02 Selecion Musical cu disconan Latino Americano
8.30 Cumpleanjos Feliz
8.00 Musica Varia
9.30 Melodias Instrumental
10.00 Ritmos Latinos
10.30 Programa di Niel Habibe Jr.
11.00 Musica Norte-Americana
11.15 Musica Antillana
11.30 Musica Varia
12.45 Musica Norte-Americana
12.20 Musica Europeo
12.30 Nieuws in het Nederlands (Hartog)
12.45 Musica Norte-Americana
12.55 Nieuws in a Nutshell (Viana)
1.05 Musica varia
1.30 Mel ora cu boleros
2.00 Musica varia
2.30 Melodias Instrumental
3.00 Programma cu Cha-Cha-Cha
3.15 Programma di La Esperanza
4.00 Musica cu Sabor Azteca
4.30 Noticia Local na papiamento.
(Globe-Deportivo)
4.45 Cocktail Musical
5.00 Danzones Cubanos
5.15 Musica Varia
5.30 Musica Popular
6.00 Noticia Deportivo (vullette)
6.15 Calypso
6.30 Dinner music
7.00 Noticia International na papiamento (Schiltz)
7.15 Musica Europeo
7.45 Nieuws in het Nederlands (Hartog)
8.00 Musica Norte-Americana
8.15 Novela (Estrellita)
8.30 Musica Varia
10.00 Clausura

RADIO VICTORIA

Diazon 24 di october 1962

8.00 Apertura
9.05 Ultimas Noticias
9.15 E. Hubel Habri
9.30 E. Mundo Femenino
9.45 Canticano di Evangelio
10.00 World News
10.10 Hymn of the Day
10.15 Radio Revival

RADIO CARACAS TELEVISION

Miercoles 24 de octubre de 1962

Miercoles 29 de agosto de 1962

8.55 Himno Nacional. Presentacion
8.57 Informacion sobre los programas del d.
9.00 Carusel
9.30 En el Jardin de Infancia
10.00 Senderos de Luz
10.15 Cosas de Mujeres
11.15 Cinco Destinos
11.30 La Perfecta Ama de Casa.
12.00 La C.V.I.B. TV. informa a la nacion
12.05 Su Telenovela (Asi es la Gloria)
12.25 El show de Saucie
12.30 Ee necesito una amiga
2.00 Punto y aparte
2.30 Club Femenino
3.00 El Exodo de Hector Monteverde
3.30 Verbena Infantil
4.30 Aventuras de Popeye con Yeyo
5.00 Una pareja en apuros
5.15 La novela romantica
5.30 Las aventuras de Lassie
6.00 El show de Benny
7.30 Busque su mira
8.00 El Observador
8.15 La novela „El amor tiene otro casa“
8.30 Mi trabajo y yo
9.00 La Novela „El Dios Caido“
9.15 Julian Pacheco
9.30 Bonanza
10.30 Jet Noticias
10.45 En el umbral del misterio
11.00 Cita con la muerte
12.40 Marcha oficial Himno Nacional
11.30 Misterio de la ciencia
12.30 Foro 7
12.30 Informacion sobre los programas de mañana

HOPÍ ARUBANO A BAI LAMAN VIA DI LAGO

SAN NICOLAS — E ultimo anja-nan como 150 hobenan i bombiernan arubano a hanja via Lago oportunidad pa bai luman. Segun un declaracion di sr. E Byington hefe di Relacionnan Publico di Lago riba nos pregunta kiko Lago ta haci pa pone Antillanonan como tripulante riba tankernan.

RON BOCOY

Exquisito - Pruebelo hoy.

Nos a puntra sr. Byington e pregunta aki en relacion cu ultimo tempu tabatin hopi scribimento over di e Shell

(Sigui lesa pag. 4)

TA UN PLACER!

Nos ta convenci, cu mas bo ta na altura di e varios servicionan cu nos por dunabo, cu mas oportunidad lo bo duna nos pa sirbibo.

Esey pa nos ta un placer... y sin duda pa bo tambe!

Pa ahorros,
Cuenta corriente y
Preslamos personal

Banco Popular Antilano N.V.




Maske cuanto stof tin
Maske con grandi e
Tapijnan ta
no ta importa!
Senjora;
Mientras bo por conta cu
yudanza di Reddy bo trabounan
di cas ta keda cla rapidamente.

Stofzuiger moderno y eficiente
obtenibel na e mihor tiendanan.



DICK TRACY

1. „Si, webunan na placa! Bo sabi cu auntie, semper tabata atende cu e webunan, maina“.
2. „Ela bisa cu e tabata falta \$ 7.00 pa compra un bicicleta nobo, pesey mi a dune, poco webu na placa.“ 3. „Esey ta masha carinoso di bo, auntie, pero e placa ey ta di bo y abo nunca no tabatin hopi cens.“ 4. „No, preocupabo, subrina, ta pone hopi bon, awor, hopi mas mehor.“




P. KIRBY

1. Tabata un anochi cu mi lo corda semper Tushin; pero ja ta ora di drumi. Pero con nos lo hanja e poeta bandido of bandido poeta di Ross Kenton, Rip? 2. Nos lo cuminsa nu London..... 3.i mi sa ken por hanja un tipo di inal fama manera Kenton.




CIGARIA ANTILLANA e cigaris mas preferi

Cu filter y sin filter. Agente: J. H. (Yendi) Croes — Aurora Bar Tel. 1041.



pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE



Persecucion religioso na CUBA

Segundo parti

Despues di a saca e number di Dios for di e documento mas importante di e pais y di a lage afor di huanmentonnan gubernamental e siguiente pasonan di e atake comunista riba Misa tabata asina fin cu nan no a worde ripara.

Ley No. 11 di e gobierno „provisional“ tabata sopena di ta estrictamente educacional. Pa gana e simpatia di e gruponan politico di e studentenan di e Universidad di Havana — kende semper ta un factor importante di e politica di paisnan di Latino America — e ley No. 11 aki di e gobierno a p.e. elama tur diplomanan obteni na otro universidanan di Cuba invalido durante dos anja.

E motibo tabata cu e Universidad di Havana a worde sera durante 1957 pa 1958 y e graduadonan di otro universidanan lo tin un ventaje injusto.

No tabata importa nan si e pais mester a perde e servicio di e recien graduadonan, y si un retraso educacional di dos anja lo bin existi.

Un gran number di graduadonan di e Universidad di San Tomas de Villanova, un institucion Catolico a worde afecta pa e Ley No. 11. Esakinan hunto cu otro graduadonan di otro universidanan a protesta fuertemente.



E gobierno a contesta den forma di un atake fuerte riba e Reverendo. John Kelly, rector di Villanova, un pastor americano. Rev. Kelly a worde acusa di colaburacion cu e regimen di Batista door di permiti Villanova pa keda habri na anja 1957 pa 1958; no obstante cu e hendenan di Castro a pidi den e tempo ei pa laga e universidad habri como un centro di actividad politico contra di Batista.

E ora e a worde declara cu Rev. Kelly tabata un stranhero; y pa esei e no tabatin derecho di ta rector di un uni-

versidad cubano. Sin mucho mas palabraz Rev. Kelly a pidi su retiro y a sali for di e pais. Mester tene cuenta cu e clero — siendo humano — tambe a conveni bato di e histeria nacionalista di e momento; y no por a worde spera cu e Misa lo a bini cu un argumento serio en defensa di Rev. Kelly.

Otro concesion, un otro pida terreno gana. Misa no tabata realiza cu si e gobierno por a demanda y obteni e salida di un di su miembronan, nan por a pidi e salida di cuakier otro pastor, di cual e comunistanan lo probecha. Nan no a paga atencion na e aviso aki.

Dia 13 di maart 1959 Fidel Castro a tira un frase den su discurso cu aparentemente inocente lo mester a duna e clero algu pa pensa.

Pa kiko nan ta trata di mesela religion cu e revolucion? „Ela puntra, „ora cu e revolucion no a mescla cu religion?“ Esaki, for di e mes un homber cu a encurasha educacion religioso den schoolnan publico. Misa no a interviene cu e revolucion, ela encurashela. Awor e gobierno tabata na punta pa interviene cu e Misa.

For di Januari 1959 Rev. Cipriano Caverio junto cu 120 otro maestronan catolico a duna instruccionnan elemental na e miembronan analfabetico di e forzanan di Castro, sin ningun clase di pago. Nan actitud tabata tipico pa es tempo ei. Den e prome lunanan di 1959 hopi hende a ofrece nan servicio gratuitamente na es gobierno „provisional“.

Di repente Rev. Caverio y su 120 maestronan a hanja orden pa sali afor. Ningun clase di explicacion a worde duna. Nan a worde solamente bisa na ta tin mester di nan servicio mas, y cu e gobierno lo atende su mies.

Na e mes un ora tur forma di asistencia religioso a worde prohibi den e prisonnan jen di Cuba y otro lugarnan di estado. Ningun explicacion atrobe. Crucifijonan cu tabata colga den e hospitalnan di estado a worde kita for di muraja. Tur objetonan religioso cu a worde demonstra cu tanto orgullo riba e pechonan rebeldes a desaparece de repente. Ordi di gobierno.

Iglesia Catolica no ta lama su voz publica den protesta. E clero y e fielnan tabata tanto impresionado door di e cabalgado revolucionario cu e indicacionnan chikito aki di e cosnan cu lo bini anda na a worde ripara.

Tal vez tabata e reforma agraria cu pa prome biha a pone poco duda den e fielnan Catolico Cubano. Seguramente Misa tabata na labor di un reforma agraria. Pero e documento cu a worde traha door di e comunistanan manera Antonio Nunez Jimenez, Carlos Rafael Rodriguez, Segundo Ceballos, y Che Guevara y Fidel Castro y nan advisoran comunista, e clero no a spera.

Ora cu a bira mas evidente cu e gobierno no tabatin intencion di tene su mes na e ley arbitrario y tabata permiti abusonan den henter e pais. E clero y e fielnan a cuminsa duda di e hombernan cu tabata administra e pais, como un posesion priva.

Riba dia 27 di Juli 1959 e corant „Revolucion“, e organo di e movimientu 26 di julio, a publica na editorial firma pa e editor Carlos Franqui, e ministro di educacion Armando Hart, y e ministro di comunicacion Enrique Oltuski. Awor Misa a wak bon. Entre otro e editorial a bisa: „Nos a nace cu tres velo: religion, filosofia y doctrinan politico. Nos mester tira e velonan aki afor y acera bida cu independencia pa bienestar di tur.

Aki tabatin algu pa pensa riba. E pueblo di Cuba a worde bisa cu e cos revolucionario pa haci ta pa lubida riba nan religion, nan manera di pensa y nan creencia democratico politico.

E editorialnan den „Revolucion“ no mester a worde tuma liber. Misa a singja. Nan tabata representa e puntanan di bista oficial di e gobierno „Provisional“ di Cuba. E clero a lama y a cuminsa tira bistanan riba Fidel Castro y su companjeronan cu barba.

Eilandsraad a reuni Fuerte critica di oposicion contra gobernacion di B.C. Cu motibu di relatonan di Rekenkamer

(Di nos corr. na Corsow
WILLEMSDAM, 25 oct. — Oposicion a lanza un atake terrible den Eilandsraad di Corsow Dia Luna mainta 22 di october riba gobernacion di Bestuurscollege. Esaki a tuma luga en relacion di e relatonan di Algemeene Rekenkamer der Nederlandse Antillen, den cual critica skerpi a ser lanza locante funcionamiento den diferente servicionan di territorio insular. Sr. A. R. Winklaar, lider di fraccion di N.V.P., a constata cu propiamente no ta cos di papia mas mas cu e actual Bestuurscollege, pero cu pueblo di Corsow mes lo saca su sentencia den e venidero eleccionnan.

Ni di parti di Bestuurscollege, ni di parti di miembronan di Partido Democrata of Konstruktieve Volkspartij nan no a reaccionar ni cu un solo palabra riba e discurso extremadamente skerpi aki di Sr. Winklaar.

El a constata cu observacionnan di bestuurscollege ta haci imposible pa oposicion na haci proposicionnan cu por juda na trece un mehoracion.

MEDIDANAN DI BC YA TA TUMA CABA

Net prome cu e reunion a cuminsa Dia Luna mainta, Bestuurscollege a participa Eilandsraad cu awor diferen-



Aqui nos ta mira Kees van Iersel ta rielbi for di man di vice-president di Prins Bernhardfonds, m. dr. F. J. M. A. H. Houben e conocido envelop cu 2000 florin....

Bo dia lo cuminsa felis si
bo desayuna tin koffie
MOKA y sucu CISNE.

Colornan den e ciudadnan Aruba y Corsou

ORANJESTAD — Un di e atraccionnan di Aruba y Corsow ta e riqueza di color di e casnan di e ciudadnan. Pa turistanan e combinacion di colornan aki ta forma un di e puntanan mas importante di nan bishita, esta si nos por kere un prospecto americano di viahero den Caribe cu ta bisa: E uso di colornan ta tipico Esaki bo por ripara un bez ora bo jega na e islanan aki. Sea cu avion of cu barchu E combinacion di colornan cla primario, intercamia harmonicamente cu colornan di pastel, y cubri cu e corra di e dakanan ta forma un sorpresa pa e turista mas maleria.

E dignidad di e arquitectura Holandes ta worde fresca door di e colornan, den e mihor tradicion di operette.

E resultado ta un bista interesante consistiendo di casnan, blauw, cora, heel, lila, y pistachio di color en combinacion cu roos, chocolati y vanilla. Si bo wowo no reacciona riba esei antipor ta cu for di nacimiento bo ta ciego pa color.

Esaki segun un articulo for di sr. Haneveld den e Culturele Kroniek di Oktober.

Tempo bieuw

E articulo ta continua.
Te asina leuw e buki di turista americano entusiasma — y nos tin cu confirma — cu nan tin razon.

Sin e colornan bonita e islanan nora cu lo tin e gracia cu nan tin actual. Ora cu nos mira plait di e lugarnan aki di algun siglo pasa nos ta hanja un impresion totalmente diferente. E frentenan di e casnan te ainda por worde reconoce pero e colornan ta haci falta. Un pintura di meimei di siglo I ta muestra e frentenan blancu, blancu, y e dakanan cora. Dos otro bistanan di 1786 y 1791 tambe ta muestra e ciudadnan cu frentenan blancu, blancu.

Si nos studia e lithografianan di anja 1822 y di un periodo mas despues nos ta ripara cu e casnan frente blancu a worde reemplaasa door di casnan cu frentenan di color. Cu esaki no ta un coincidencia of un fout di e pintor ta worde demostra door di descripcionnan di Willemstad for di cual pa prome biha e colornan ta worde menciona.

Asina Teunstra ta scribi na anja 1835: Murajanen diki di piedranan di klip, cubri cu un mescla di santu y calki algun di nan heel, oronnan blancu, y blauw cu dakinan cora of blauw y jalsinan berde. Ta muestra cu den e prome 20 añanan di siglo pasa e islanan a hanja nan colornan. Nos por puntra nos mes pa ki motibo. E solucion di e problema nos ta hanja den e comentario di e reunion extra-ordinario di consoho di polis na Corsow riba dia 22 di april 1817.

Proposicion di De Sola

E consoho a trata e proposicion di B. de Sola, medicinae doctor na Willemstad, cu e pidi pa prohibi pa verf e cas y edificionan blancu.

Doctor De Sola a basa su peticion riba e facto cu den e tempo ei masha hopi hende tabata sufi di un infeccion di nan wowo. E motibo di e infeccion aki segun doctor De Sola tabata e color blancu di e cas y edificionan. E reaccion di solo riba e edificionan tabata causa e danjo na e pupila di e wowo. Tambe un doctor di Austria un tal Beer ten tabata un oculista real masha famoso den fin di e siglo 18 na Austria) a confirma e danjo na wowo di e frentenan di edificionan blancu. Un ciedad general di e poblacion lo ta e resultado segun doctor de Sola.

E consoho di polis a worde convencido door di e argumentonnan aki, y un prohibicion pa verf e edificionan blancu seguramente lo ta den labor di e interes general. Y doctor De Sola a intercedi pa su persecucion pa e salud di e poblacion di e isla.

Awor nos por puntra pakiko De Sola cu tabatin poco tempo so riba e isla

net riba e punto aki a banja medidanan necesario. Sin otro publicacionnan medico tabata riba henteramente un otro terreno: enfermedadnan di macha y amehanan.

E contesta nos ta hanja probablemente den e Jewish Encyclopaedia den cual ta para cu De Sola ora su bista tabata bira malu a bai cerca su familia na Corsow, na anja 1815.

Doctor De Sola mes tabata sufi di un malesa di wowo cu na Corsow tabata bira pio. Naturalmente como medico ela propone medidanan pa desmiti e sufrimientu di dje y di otro. Den su vecindario inmediato tabatin un otro paciente di wowo, esta gobernador-general Kikkert, cu tabata sufi di un debilidad general di su wowonan. Pero no solamente cerca e poblacion tabatin interes pa e medidanan pa laga e enfermedadnan di wowo desaparece. Enfermedadnan di wowo a hunga un papel importante den tempo pasa na Antillas.

Asina un comandante di un barchu di marina a scribi cien anja pasa cu henter e hospital tabata jen di hende en tabata sufi di un infeccion granuloso di nan wowo. Un di e barchunan mester a worde poni for di servicio den e tempo ei pasobra tur e tripulantenan tabata den hospital cu un infeccion di wowo. Ainda tin un pintura di un sala di baile cu nan a instala como sala di enfermo pa bendenan cu tabata sufi di wowo.

E caracter epidémico di enfermedad di wowo na Corsow den fin di siglo pasa seguramente a contribui cu e proposicionnan di De Sola a worde acepta.

Cu e medikla aki tabatin un efecto masha largu ta muestra nos e articulo no. 17 di algemeine politiekur di anja 1932 cu ta bisa: Ta prohibi pa donjonan di edificionan den e prome distrito verf nan murajanen tur blancu.

Ley nobo na Aruba

Tambe na Aruba na anja 1936 a worde prohibi pa verf e casnan na Oranjestad y San Nicolas blancu. Tambe na Aruba na cuminsamentu di e siglo pasa tur cas tabata blancu ainda, manera rapportnan oficial for di Oranjestad ta muestra. Si nos wak mas aleu ta masha strano cu ta para den verordeningnan di Capri na Italia cu e casnan mester ta blancu.

Con cu ta, e peligro pa enfermedadnan serio di wowo a worde domina completamente awor na Corsow. Medidanan higienico, mihor asistencia medico pero sobre todo mihor medicinan a haci esaki posibel.

Ki rol e colornan di pastel a hunga den e caso aki no por worde splica. Si ta un hecho, cu pa motibu di e enfermedadnan di wowo di siglo pasa Willemstad y Oranjestad a bira dos di e ciudadnan mas atractiva den Caribe.

HOPI ARUBANO A BAI LAMAR VIA DI LAGO

(Cont. di pag. 3)

tanker „Vivipara“, cu ta nabega cu un tripulacion consistiendo di Antillanon, pa cual motibo C.P.L.M. a worde giba masha pa di e manera aki juda resolve e problema di desempleo.

„C.P.L.M. tin un propio compania di nabegacion i nos no“, segun sr. Byington cu a declara, cu Lago sin embargo cu gusto ta juda e Antillanonan cu ta buses trabao riba un di e tankernan cu ta jega na San Nicolas. Ja tin algun anja eha cu Lago ta jega na un total di 150 hende pa anja, cu ta resulta den un tripulacion completo pa los tanker grandi. Tambe a cuminsa na principio di e anja un curso di dos anja pa capitain di remolador. Dieselos Antillanon ta sigui e curso aki. Despues nan lo worde emplea solamente door di Lago. E compania tin dos propio remolador esta „Esso San Nicolas“ y „Esso Oranjestad“.

BO HOROSCOPO PERSONAL

ARIES
11 Maart — 20 April



Trata pa bo no hanja bo den trobhel cu bo superiornan of personanan interesante pa bo i larga bo sintir traha.

AURUS
21 April — 20 Mei



Queda paciente i seucha mas tantu i papia menos. No haci pa tur redu queda riba bo lomba.

GEMINI
21 Mei — 20 Juni



Lo bo tin hopi cos di haci. Pues tene bo na esquem di actividad.

LEO
23 Juli — 22 Augustus



Plannan pa gozo i placer facilmente por ser stroba door di trabao of debenan repentino.

CANCER
21 Juni — 22 Juli



Awe ta un dia riba cual ta parce cu tur cosnan ta bai roba. Pesei no forza nada.

VIRGO
23 Augustus — 22 September



Bo mehor chensnan ta queda den contactacion cu hendenan den bo inspiracion inmediata.

LIBRA
23 September — 22 October



No larga nan enganjo bo, pero insisti ora cu bo quier hanja algo haci foi oronnan.

SCORPIO
23 October — 22 November



No larga muntra bo autorizacion mucho visto. Mantene un proceder tactico pa cu oronnan.

SAGITTARIUS
23 November — 21 December



Si acaso tin problema, bo ta alcanza mas tantu cu reflexion tranquilo.

CAPRICORNUS
22 December — 19 Januari



Limita trafico social i traha un seleccion cuidadoso di esnan cu bo quier tuma den bo circulo di amiguan.

ACUARIUS
20 Januari — 18 Februari



Ainda semper bo interesnan particular mester bai principalmente den direccion di bo asuntunan di trabao.

PISCES
19 Februari — 20 Maart



Duna preferencia na plannan pa futuro e ideanan pa venidero porvenir den bo pensamentunan.

Bistanan Admirador pa...

BRYLCREEM


Bo no por presenta cu cabel vet cu ta plak.
Usa Brylcreem, e medio moderno pa larga bo cabel queda henter dia perfecto y..... mantene completamente salud. Cu Brylcreem bo tin exito.....
pasobra muhanan ta gusta e efecto special aqul di Brylcreem.
Sea „den style“ y usa Brylcreem.



BRYLCREEM... pa bo cabel sinfa bon

BUCHI ROBEZ

presenta pa cortesia di: **PIET'S SODA FOUNTAIN** Tel. 2123
★ e mehor adres pa snacks, tur clase di dushi, softdrinks, ice-cream y revistas



BACKACHE AND RHEUMATISM PAIN

After 26, many women and men are made miserable by common urinary disorders. Waste impurities and bacteria often irritate the delicate passages from the kidneys. Then you can feel tired, old, heavy and suffer from rheumatic pains, such as backache, aches around joints, neuralgia or neuritis. For these troubles, thousands are finding joyous fast help with the urinary antiseptic and pain relieving action of CYSATEX. Then kidneys act well, pains go and sleep is refreshing. You feel younger and stronger. Get CYSATEX from your druggist today and see how refreshed you feel.